

奉天勅命

追赠龙图阁大学士文节公黄庭坚

诰命 奉天承运皇帝制曰故朝奉郎黄
庭坚自熙宁大臣用事变法始以异同排斥士大
夫惟我

神祖念之不忘元丰之末稍稍收召接于元祐
英俊盈朝而尔以文采风流为一时冠学者欣慕
之及继述之论起党籍之禁行而尔每为罪首则
学者以其言为讳自是以来缙绅道丧网纪日隳
驯至宣和之乱言之可为痛心迺朕纂承先绪既
从昭洗今加赠尔龙图阁大学士官子孙一人斯
足以见朕志以呜呼西清之游书殿之选惟尔曹
为称使生而得用能尽其才亦何止于是欤举以
追命聊伸齐志之恨亦以少慰天下士大夫之心
英爽不忘歆此休显

勅命

绍兴元年三月 日

之宝

诰赠州同职衔黄博宣

诰命 奉天承运皇帝制曰纳粟效输将之义用奖急公推恩溯积累之遗载扬先泽尔黄博宣州同职衔黄润兰之父锡光有庆树德务滋嗣清白之家声义方有训衍弓裘之令绪世业方长兹以覃恩赠尔为儒林郎赐制命于戏谋貽燕翼膺茂典而益新励猷情慰

乌私发幽光而不彰潜德制曰朝廷重名器之坊德门集祐臣下上表扬之典贤母有光尔赵氏乃州同职衔黄润兰之母箴戒扬芬珩璜德行职勤内助宜家久著其贤声泽裕后昆锡类式承乎嘉命兹以覃恩赠尔为安人于戏播徽音于彤管壶范弥光膺异数于紫泥天庥允邵

州同职衔黄润兰

清宣统二年十二月十八日

之父母

诰授州同职衔黄润兰

诰命 奉天承运皇帝制曰朝廷重华袞之荣
用资勤勉臣下列簪纓之选合予褒嘉尔州同职衔
黄润兰自贞清检母忝素修树德务滋用能扩张门
闾宅躬无玷允堪矜式乡闾兹以

覃恩授尔为儒林郎锡之勒命于戏恩纶广沛虽
疏远而弗遗宠命荣膺励行义而弥笃

制曰册府扬庥聿著国恩之典门闾集祐允宜家
道之成尔尹氏乃州同职衔黄润兰之妻女诚夙嫻
妇工无缺职勤内治乡里著其贤声德许宜家门庭
酿为和气兹以

覃恩授尔为安人于戏播芳徽于彤管壶范弥光
膺异数于紫泥天庥允劭

州同职衔

清宣统二年十二月十八日

黄润兰 夫妇